

傷

科

彙

纂

傷科彙纂卷十一

蕭山晴川胡廷光耀山甫纂輯

醫傷總論

耀山曰人之疾病瘡瘍非受於風寒暑濕之外感即受於喜怒哀樂之內傷所以古聖人察陰陽分表裏詳五藏六府之俞穴明經絡辨盛衰叙三胗九候之脈法述本草以脩醫藥立方法以救民瘼完且脩矣至於蛇螫犬噬蟲獸醫螫以及射工溪毒等類此皆意外之變防不及避之患也與感受七情六慾者似有間而較之金

瘡踣折治法固殊受傷之因大畧相埒是以慮蠶尾之入體甚於刀箭詩人尚且寒心詎蝮口之螫手毒如狼虎壯士遽然斷腕故周官設赤芘氏除牆壁狸蝮之屬壺涿氏除水蟲狐蜮之屬以及逐瘕狗驅猛獸皆古人思患預防而又辟之也何今之醫家置諸勿論余不揣冒昧爰集蟲獸諸傷附於跌打損傷之末統纂先賢之叙述遍索靈效之奇方刪其繁複叅以己意稍為發明庶使罹遭其害者開卷瞭然從其便而用之無不應手即瘥是雖於內外方脉無關而濟人之心則一也

蛇蠶傷

耀山曰蛇生水草木土之中陶弘景云蝮蛇白斑黃領尖口虺形短而扁毒與虺同蛇類甚衆惟此二種及青蝮為猛不即療多死藏器云蝮蛇錦文亦有與地同色者衆蛇之中此獨胎產着足斷足着手斷手不爾合身糜爛七八月毒盛時醬樹以洩其毒樹便死又呼涎沫於草木上着人成瘡身腫名曰蛇漢瘡卒難治療方與蛇螫同椰子厚蝮蛇文云口魚蜂蠱色混泥塗其頭感恧其腹次且褰鼻鈎牙穴出榛居蓄怒而蟠銜毒而趨

亦頗盡其狀也

王充論衡曰蝮蛇含太陽火氣而生故利牙有毒
字說云蝮觸之則復其害人也人亦復之故謂蝮
張文仲云惡蛇甚多則五月青蝮蒼虺白頸大蝎
六七月白蝮文蝮黑甲赤目黃口反鉤三角之類
皆毒之猛烈者又南方有响蛇人若傷之不死終
身伺其主雖百衆人中亦來取之惟百里外免耳
抱樸子云蛇類最多惟蝮中人甚急但即時以刀
割去瘡肉投於地其沸如火炙須臾焦盡人乃活

讀律佩觿云黃風蛇尾人人鼻竅即死無救

說鈴云圓蛇形如石卵斑爛可愛悞持之得人氣化為蛇。鬻人即斃尸不敢收恐觸其氣而斃。

鄭板橋云粵中有蛇好與人比較長短勝則鬻人不勝則自死山行者以傘具上冲蛇不勝而死。

蘇頌曰東間一種千歲蝮狀如蝮而短有四脚能跳來鬻人人或中之必死其鬻已即跳木作聲云斫木斫木者不可救也若云博叔博叔猶可急治之用細辛雄黃等分為末納瘡中日三四易之按

字林云。豚聽形如蜥蜴。出魏興。居樹上。見人則跳來。鬻已還樹。垂聽聞哭聲乃去。即此也。其狀頭尾一般大。如搗衣杵。俗名合木蛇。長一二尺。又曰斫木蛇。又名望板歸。救之用嫩黃荊葉搗爛敷之。張文仲云。鈎蛇尾如鈎。能鈎人獸入水食之。蛇形似柁。長七八尺。中人必死。削船柁煮浸之。即愈。葛洪云。竹根蛇。謂之青螭。最毒。喜緣竹木。與竹同色。大者長四五尺。其尾三四寸。有異點者。即鳩尾蛇。毒尤猛烈。中之者急灸艾三四壯。毒即不行。仍

以藥傳之昔圓丘多蛇廣成子教傳雄黃末立愈
綱目云鱗蛇千歲蝮苟印蜥蜴皆有足三角蛇有
角雞冠蛇頭上有冠最毒又云蛇蟠人足淋以熟
尿沃以熟湯則蛇自解蛇入人竅灸以艾炷或辣
以椒末則自出內解蛇毒之藥則雄黃貝母大蒜
蘼白蒼耳柘根白皮外治蛇蠱之藥則大青鶴蝮
苦苣菜射罔薑黃白礬黑豆葉黃荊葉蛇含草
辟虺雷犬糞鷓鴣糞蔡苴機糞

蘇恭云蝮蛇瘡毒心悶搗絡石莖葉汁服并洗之

立瘥并傳刀斧傷瘡

瑞竹堂方治毒蛇射工沙虱等傷人口噤目黑手足直毒氣入腹用白礬甘草等分爲末冷水服二錢急救方治蝮蛇咬用桑柴灰汁白礬調敷

湯氏寶書治諸蛇傷毒用桂心栝蒌等分爲末竹筒密塞遇毒蛇傷即傳之塞不密即不中用也

東坡良方治蟲蛇獸毒及蟲毒生明礬明雄黃等分於端午日研末黃蠟和丸梧子大每服七丸熱水送下或以燈上燒開滴傷處神効

瀕湖集簡方治蛇傷用山漆研末水飲服三錢仍嚼塗之。又方用鷄紫燒存性一半酒服一半塗之。又方用艾葉灸傷處數壯甚良。又方用小青一握細研入香白芷末半兩酒調服手按患處候黃水出為効。又方搗都管草塗之。

藥性治蛇咬傷用白頸蚰蟥炒為末油和塗之。

洪邁夷堅志云臨川有人被蝮傷即昏死一臂如股少頃遍身皮脹黃黑色一道人以新汲水調香白芷末一斤灌之覺臍中搯搯然黃水自口出腥

穢逆人良久消縮如故以麥門冬湯調尤妙仍以末搽之又經山寺僧爲蛇傷一脚潰爛百藥不愈一遊僧以新水數洗淨腐敗見白筋挹乾以白芷末入膽礬麝香少許搽之惡水涌出日日如此一月平復

袖珍方治惡蛇虺傷廣木香不拘多少煎水服效不可述又方用青木香半兩煎湯飲或搗封之千金方治蛇虺傷人以紫蘇葉搗汁飲之又方用葵葉搗汁服之又方用薑末傅之乾即易又方用

胡荽苗、合口椒等分搗塗之。又方如潰久者，用小苗香、搗末傳之。又方用楮葉、麻葉合搗取汁漬之。又方用梳垢一團，尿和傳上，仍灸梳出汗熨之。又方以人屎厚封之，即消。又方如蛇入七孔，割母豬尾血滴入，即出也。

直指方：蛇咬用貝母半兩酒服，仍以渣傳之，甚妙。摘玄方：治蛇虺咬傷，用青麻嫩頭搗汁和酒等分服三盞，以渣傳之，毒從竅中出，以渣棄水中，即不發。看傷處有竅是雄蛇，無竅是雌蛇，以針挑破傷

處成竅傳藥。又方用小青、大青、牛膝葉同搗汁和酒服，以渣傳之。

唐本草治蛇傷，用水蓼搗傳之。蛇毒入腹，心悶絞汁服之，妙。

蘇恭云：益母草搗傳蛇虺毒傷效。

易簡方治惡蛇咬傷，用地菘即天名精搗傳之。又方用龍腦、薄荷研末酒服，并塗之。

劉禹錫傳信方治蛇咬，燒刀矛頭令赤，置白礬於上，汁出熱滴之，立瘥。此神驗之方也。真元十三年。

有兩僧流南方到鄧州俱爲蛇齧今用此法便瘥
神應經云毒蛇傷先灸傷處三壯後以隔蒜灸之
古今錄驗治蛇虺螫傷用葵根搗汁塗之

李時珍云蛇狗咬傷用山豆根研汁塗之良又云
蕨根燒灰油調敷蛇蝎傷又云九龍草生紅子如
楊梅者又蛇眼草生古井邊葉背有紅圈者并黃
藥子荔枝草並傳蛇犬咬傷又薤摩俗名羊角花
藤取白汁塗之又葛蔓俗呼賴勒藤搗塗之並效
又食蛇鼠屎塗之又鴉喙刮末塗之登時愈也

崔氏方治毒蛇傷用獨莖狼子根或葉搗爛臘猪脂和塗立瘥又海上方治蛇咬腫悶欲死用重臺六分續隨子仁七粒搗篩爲散酒服方寸匕兼唾和少許塗咬處立效又方用醋草即酢漿草搗傳亦效又方用泥蛤蚧搗爛敷咬處即好

梅師方治蛇咬用射罔傳之頻易血出即愈

萬畢術方治蛇咬傷瘡用生薑杵汁塗之淮南子云蝮蛇螫人傳以和薑即愈

外臺秘要方治毒蛇傷醬用菰蔣草根燒灰傳之

又方用生蝦蟇一枚搗爛傅之

肘後方治毒蛇螫傷牙入肉中痛不可堪者勿令人知私以荇葉覆其上穿以包包之一時折牙自出也又方用小蒜搗汁服以渣傅之又方以閉口椒及葉搗爛封之良又方如蛇牙入肉中痛不可堪搗蝦蟇肝傅之立出

濟急良方治毒蛇螫傷急飲好清油一二錢詳毒然後用藥如無藥用烟管燒熟滴油茶之屢驗
壽域方云半邊蓮治蛇虺傷搗汁飲之以滓敷之

捕蛇師傳方用川山甲木香各一錢五分爲末酒服又方用全蠍二個蜈蚣一條炙研末酒下即愈抱朴子內扁云相國張文蔚莊內有鼠狼穴養四子爲蛇所吞鼠狼雌雄情切及於穴外坩土壅穴俟蛇出頭度其回轉不便當腰咬斷而劈腹脚出四子尚有氣置於穴外脚豆葉嚼而敷之皆活後人以豆葉治蛇咬蓋本於此又云入山辟蛇以麝香丸着足爪中有效因麝嗽蛇故以壓之也又方用甲蛇龜尾刮末傳之便愈

聖惠方治蛇咬蠍螫用雄黃三錢信一錢皂角子
巴豆各四十九粒耳塞麝香各少許右於五月五
日擇不聞雞犬婦人聲處搗爲細末藏杏子核內
封之用時以鍼挑出上於痛處大有神効
丹溪云毒蛇惡蟲咬用猪膏每搗汁傳之

世醫方治諸般蛇咬此方傳之於捕蛇者倘如藥
味不全亦可用大青小青青木香烏桕葉火炊草
山蕨萁過山龍地蜈蚣天門冬白芍藥香需共爲
細末用生白酒調服渣卷咬處累効

證治準繩治諸蛇蟲毒傷初咬敷藥用柏樹葉魚腥草地菘皺面草草決明共一處研細傳傷處極佳如毒入腹者用青黛雄黃等分新汲水調服二錢立効又方用蒼耳草嫩葉一握搗汁溫酒和飲其渣厚傅傷處如眼黑口噤手脚強直腹內成塊者灌之即愈又方用地榆生絞汁飲及濃煎漬之半日愈又方用絲瓜根搗汁調酒飲醉立愈又方用好醋一二碗服令毒氣不隨血之又云蛇咬忌食酸物梅子犯之大痛未知誰是

廣利方治蛇咬成瘡用煖酒淋洗瘡上日三次又方用乾薑雄黃等分爲末袋盛佩之遇螫即以傅之便定又方用蜘蛛搗爛傅之甚效徐玉方治毒蛇螫傷用薤白禱傅又方以竹筒合瘡上溶蠟灌之效

集驗方治諸蛇螫人用紫莧禱汁飲一升以淳塗之經驗方治毒蛇傷螫用野鼠屎水調塗之

大明云凡蛇螫所用鉛灸熨之良又方取桑葉按爛塗之又方取穀樹皮間白汁治蛇蟲蜂蠍犬

咬等傷又方用扁豆葉搗爛封之皆效

救急方治蛇螫腫痛用蒲公英搗爛貼之又方治蛇咬毒攻入腹以兩刀於水中相摩飲其汁即愈救急易方治惡蛇蟲傷用魚鯉草皺面草槐樹葉草決明一處杵爛傅之神驗

勝金方治蛇咬毒瘡用吳茱萸一兩為末冷水和作三服立安

談堃翁試驗方治毒蛇望板歸螫傷滿身洪腫發泡用黃荊嫩頭搗汁塗泡上渣禽咬處即消此法

出肘后方云治諸蛇亦靈古今醫鑑云扛板歸草
蔓生有刺葉尖子圓黑蛇傷至死酒調服渣敷
必效方治蛇虺咬傷用生蠶蠶研傳之

兵部手集治蛇傷用鷄子一箇輕敲小孔合之

金鑑云蛇咬即飲好醋紮住兩頭使毒不走服後
藥效昔有人被毒蛇所傷良久昏曠一老僧以酒
調藥二錢灌之遂甦仍以淳傳咬處少頃復灌二
錢其苦皆去問之乃五靈脂一兩雄黃半兩同爲
末耳其後有中蛇毒者用之咸效

金匱鈎玄方治毒蛇傷螫以五靈脂末塗之立愈
壽域方治蛇蟲螫傷用人耳垢蚘蚓屎和塗出盡
黃水立愈牛耳垢亦傳毒蛇螫人猪耳垢亦效
醫方摘要治毒蛇螫傷急以小便洗淨後用牙塗封而
中唾頻頻塗之又方以小便洗淨後用牙塗封而
護之甚妙且不腫痛

日華子云蛇咬者以熱尿淋洗患處効孫真人云
以婦人尿瘡上更効或用葱葉加鹽研傳之亦効
急救方治蛇傷手足恐毒內攻用絹繩扎住傷處

勿使毒入心腹令人口含米醋或燒酒吮吸其毒
俟紅淡腫消爲度以薑末敷之吸毒者麻油解之
陳藏器云田中三葉草及江南千金鏹並可搗傳
蛇蠍蟲咬又方用赤地利莖葉搗汁服以渣傳之
又方用榔桐葉搗爛封之蟲咬傷者亦效又方用
秦皮同葉煮湯洗蛇咬并研末敷之又方搗蚕休
塗之蛇虺毒得此治之即休故名又方搗韭汁塗
之亦塗蠍蟻惡蟲螫傷等毒又方搗千金子葉敷
之兼治犬咬又方用海根草酒水磨服并傳之亦

傳犬咬又方用紫金皮煎汁服并洗又方用雙頭鹿腹中尿塗之皆效又方用鹽藥敷之亦效

寇宗奭本草云天蛇毒瘡似癩非癩以秦皮煮汁一斗飲之即瘥按沈存中筆談云天蛇不知何物人遭其螫仍爲露水所濡則遍身潰爛或云草間花蜘蛛者非矣又云天蛇生幽陰之地遇雨後則出越人深畏之其大如筋而匾長三四尺色黃澆之以醋則死或以石灰搽之亦死

綱目云廣西一吏爲蟲所毒舉身潰爛一醫視之

曰天蛇所螫不可爲矣。雖以藥傅其一處，以鉗拔出如蛇者十餘條，而疾終不起。又云錢塘一田夫，忽病癩，遍身潰爛，號呼欲絕。西溪寺僧視之曰：此天蛇毒，非癩也。以秦皮煮汁一斗，令其恣飲，一日減半，三日頓愈。

劉松篁經効方云：魯水礬，陳玉田妻病天蛇毒。一老翁用水蛇一條，去頭尾，取中截，如手指長，剖去骨肉，勿令病者見。以蛇皮包手指，自然束緊，以紙外裹之。頓覺遍身皆涼，其病即愈。數日後，解視手

指有一溝如小繩蛇皮內宛然有一小蛇頭目也
奇效方治天蛇頭瘡生手指頭上用蜈蚣一條燒
烟燻一二次即愈或用蜈蚣爲末猪胆汁調塗之
濟急方治天蛇頭指痛臭甚者用黑豆生研爲末
入蠶繭內籠之

救急方治天蛇頭毒用落蘇即金絲草忍冬藤五
爪龍紫葛天蕎麥等分切碎用絕好醋濃煎先薰
後洗效

蜂叮傷

耀山曰蜂類甚多其尾皆有針鋒故曰蜂古語云蜂蠆
垂芒其毒在尾釀蜜者爲之蜜蜂有三種在林木或在
墻穴中作房曰野蜂在人家以器收養者曰家蜂在山
巖高峻處曰石蜜皆羣居有王而色青蒼土蜂即馬蜂
也巴間呼爲蠶蜂在地中作房亦能釀蜜赤黑色大者
螫人最毒色黑而肥大如指在人家穴椽柱而居爲之
烏蜂穴竹而窠爲之竹蜂色黃而腰細在人家簷作房
羣居爲之小黃蜂在樹上作窠五六層至八九層大者
如甕小者如桶黃黑色長寸許爲之大黃蜂穴土者曰

土蜂巢木者曰木蜂。或名牛舌蜂。或名玄狄蜂。或名草蜂。壺蜂。草蜂。石蜂。沙蜂。皆隨居處形色而命名也。螫馬牛及人。乃至欲死。赤翅蜂出嶺南。狀如土蜂。翅赤頭黑。大如螳螂。穿土爲窠。此毒蜂。穴土而居者。一種獨蜂。作窠於木。亦此類也。其窠大如鷄卵。皮厚蒼黃色。只有一箇蜂。大如石燕子。俗名九里蜂。人馬被螫立亡。又一種獨腳蜂。酉陽雜俎云。嶺南毒菌。夜有光。經雨則腐化爲巨蜂。黑色。其喙若鋸。長三分。啣人甚毒。又一種蛤蜂。出巴中。在寨鼻蛇穴內。其毒倍常。中人手足輒斷。中心胸

則地裂非方藥可療。惟禁術可制。故元稹詩云：巴蛇蟠窟穴，穴下有巢蜂。近樹禽垂翅，依原獸絕蹤。微遭斷手足，厚毒破心胸。昔有招魂句，那知眼自逢。此蜂之毒如此，附見於此。養生遠害者，不可不知。

內經云：蜂蠆之毒，皆屬於火。別錄治蜂蠆用三葉草生田中，莖小高三尺，根黑色，搗傳之良。

千金方治蜂叮，反手取地上土傳之，或入醋調。又方以瓦摩其上，唾二七遍，置瓦於故處。又方，醬鹽塗之。又方，用蜂房爲末，猪膏和傅，或煎水洗，皆驗。

又方用牛屎苦酒和敷

摘玄方治沙蜂叮螫用硃砂水塗之又方治壺蜂
叮螫用苦蕒汁塗之

證治要訣治蜂蠆傷人用人參末傅之又方用蠟
壳燒存性研末蜜調塗之

容中間集云蚯蚓糞并水調塗蜂螫傷痛立止昔
人見蜂爲蛛所罾蛛受蜂螫墮地足抵蚯蚓糞掩
傷處須臾健行卒啖其蜂於網信乎物亦有知也
外臺秘要治蜂蠆螫傷用薄荷葉按貼之

集驗方治蜂蠆螫傷用野苧按擦之

張文仲方治蜂蠆螫人赤痛不止馬齒苋搗熟封之妙日華本草用冬瓜葉搗傳之亦妙

沈括筆談云處士劉陽隱居王屋山見一蜘蛛爲蜂所螫陸地腹彭欲裂徐行入草醬破芋梗以瘡就醬處磨之良久腹消如故自後用治蜂螫有驗
聖惠方治蜂螫用牛酥塗之

肘后方治毒蜂螫人嚼青蒿封之即安又方以五月五日午收蜀葵花石榴花艾心等分陰乾爲末

水調塗之。又方用牛角腮燒灰醋和傅之。又方以人尿洗之俱效。

趙原陽濟急方治毒蜂螫傷以青油搽之妙。又方急飲清醋一二盃令毒氣不散然後用藥。

廣利方治毒蜂螫人暖酒淋洗瘡上一日三次。又方以活蜘蛛安放螫處吸出其毒或搗爛塗之。

救急方治九里蜂毒用皂角鑽孔貼叮處以艾灸孔上三五壯即安。

螫傷

耀山曰螫毒蟲也長尾爲蠆短尾爲螫行毒曰螫葛洪云螫前曰螫陳州古倉有螫形如錢螫人必死蝸能食之時珍云螫形如水龜八足而長尾有節色青陶隱居集驗方言螫有雌雄雄者螫人痛在一處用井泥傅之雌者痛牽諸處用瓦溝下泥傅之皆可畫地作十字取土水服方寸匕或在手足以冷水漬之微緩即易在身以水浸布搨之皆驗古今錄驗云被螫螫者但以木椀合之神驗不傳之方也

華陀治彭城夫人方治螫螫用溫湯水漬之數易

至旦愈出魏志華陀傳

肘后方治蠍螫人用醋調黃丹塗之又方搗小蒜汁服以滓傳之

兵部手集治螫傷用鷄子敲小孔合之立瘥

千金方治螫蠱叮螫以水調硃砂塗之立愈又方搗葵菜汁服之又方搗蝸牛塗之痛立止

傳信方治螫螫刀上燒白礬汁點之立瘥

錢相公篋中方治螫螫以半夏末水調塗之立止

醫學心鏡治蠍刺螫人用醋磨附子汁傳之

古今錄驗治蠍螫痛用苦杏仁嚼爛塗之良
杏林摘要治蠍螫作痛用川椒嚼細塗之微麻即
止又簡便方以白糖放傷處用指一捺痛即止
廣利方治螫咬以蜘蛛研汁塗之并以活蜘蛛安
咬處吸其毒良又方預佩乾薑雄黃末遇螫傳之
青囊治蠍螫傷端午日午時收壁虎一枚以鷄
胆開一竅盛之陰乾每以一星敷上即止神效
衛生寶鑑治蠍螫痛楚用烏賊骨一錢白礬二分
為末嚙鼻在左壁者嚙左鼻在右壁者嚙右鼻

心鏡治蠍螫作痛用猫兒屎塗之三五次即愈
聖惠方治桑蠍螫人用丁香研末白蜜調塗良效
時珍云搗千金子葉傅螫螫立止

梅師方螫螫用射罔傳之頻易血出即愈

捷法以燈火炙之或擠去毒水熱膏藥貼之或用
鹽點大眼角左點左右點右或鹽湯漬傷處皆効

狐刺傷

耀山曰狐刺乃螳螂之精尿於竹木諸物之間乾久有
毒成刺人手足誤觸之則成瘡腫疼痛欲死而不可忍

或云此刺有雌雄二種雄者只有一個雌者生有五
七個瘡內皆有亂絲瘡外必然有刺大成書載此傷曰
狐狸刺螳螂又名野狐鼻涕故名即惡刺之類也

蘇頌曰治惡刺及狐尿刺瘡用蒲公英白汁塗之
即愈方出孫思邈千金方其序云邈以貞觀五年
七月十五日夜以左手中指背觸着庭木至曉遂
患痛不可忍經十日痛日深瘡日高大色如熟小
豆用此方治之手下則愈痛除瘡亦即瘥未十日
而平復如故楊炎南行方亦著其功效

大明云黃瓜根搗爛傅狐刺毒腫神效

古今錄驗治狐刺尿瘡用麩末和獨頭蒜杵如麥粒納瘡孔中蟲出即愈

必效方治狐尿瘡痛用杏仁研爛煮一兩沸及熟浸之冷即易

肘后方治狐尿刺人腫痛欲死用桑灰汁漬之冷即易又方用熟蠟着瘡并烟薰之令汁出即愈又方用破烏鷄搗之良

陳藏器本草治狐尿刺瘡用麻鞋綑繩如棗大婦

人衣有血者手大一片鉤頭棘針二七枚并燒
研以猪脂調傅當有蟲出又方取蟻蛭土七粒和
醋搽之亦效

千金方治狐尿刺瘡痛甚者熟白馬尿漬之又方
以烏驢尿頓熱漬之俱效

蝮溺傷

耀山曰蝮蝮狀如小蜈蚣色青黑長足能溺人影令人
發瘡如熱疔而大若連腰匝不可療山中者溺毒更猛
惟扁豆葉傳之即瘥時珍云蝮蝮喜伏氈氈之下故得

此名或作蝮蝮按周禮赤芟氏凡隙屋除其狸蟲蝮蝮之屬乃求而搜之也其蟲隱居牆壁及器物下長不及寸二鬚六足足在腹前尾有叉岐能夾人物俗名搜夾子其溺射人影令人生瘡身作寒熱古方用犀角汁鷄腸草汁馬鞭草汁梨葉汁茶葉末紫草末羊鬣灰鹿角末燕窠土但得一品塗之皆效

孫真人云予曾六月中得此瘡經五六日治不愈有人教畫地作蝮蝮形以刀細腹中土以唾和塗之再塗即愈方知萬物相感莫曉其由也又千金

方用豆豉傳之良。又方以醋和胡粉傳之。又方用槐白皮醋浸半日洗之。又方其狀如茱萸中央白濃惡寒壯熱者以犀角磨汁塗之。

外臺秘要治蠖螬尿瘡。遶身汁出以燕窩中土和猪脂苦酒傳之。又方用鹿角灰苦酒調服亦效。

集玄方治蠖螬尿瘡以螟蛉窠水調傳之。

食療本草治蠖螬尿瘡以鹽湯浸綿搨瘡上以瘥爲度。

陶弘景云鷄腸草治蠖螬溺瘡搨敷之。

楊氏方治蠖蝮尿瘡遶腰者以敗醬草煎汁塗之良

備急方治蠖蝮尿瘡如遶身匝即死以蒺藜葉搗傳之無葉以子代之

醫說治蠖蝮咬傷成瘡用大黃末塗之

傷寒類要治蠖蝮尿瘡用大麥嚼爛傳之日三上良效

綱目用馬鞭草搗塗之效

勝金方云蠖蝮尿瘡初如黍粟漸大如豆更大如

火烙漿泡疼痛至甚者，速以草茶并臘茶俱可以生油調傳藥，至痛乃止。

篋中方治蠖蝮尿瘡，出黃水，用梨葉一握搗爛塗之，乾即易之。

瑣碎錄治蠖蝮尿瘡，用烏鷄翅毛燒灰油調傳之，蟲畏鷄故也。

兵部手集治蠖蝮尿瘡，以鷄子敲乳合之立瘥。

陳藏器云：磨刀石上莖，一名龍白泉粉，傳蠖蝮尿瘡有效。又方用稀蒼草搗傳之。又方用魚鱈草搗

汁塗之。又方用故蓑衣結燒灰油和傅之。
彙纂治上症用唾磨刀上鐵銹塗之神效。

蜈蚣傷

糴山曰蜈蚣背光黑綠色身扁而長黑頭赤足黃腹性
畏蜒蚰螺不敢過其所行之路觸之即死李時珍云蜈
蚣西南處處有之春出冬蟄節節有足雙鬚岐尾畏蜘蛛
以溺射之即爛斷也南方有極大者本草失載按段
成式酉陽雜俎云綏定縣蜈蚣大者能以氣吸蛇及蝮
蜥相去三四尺骨肉自消沈懷遠南越志云南方晉安

有山出蜈蚣。大者長丈餘，能啖牛。葛洪《遊觀賦》云：南方蜈蚣大者，長百步，頭如車箱。張采《明道雜志》云：黃州岐亭有拘羅山，出大蜈蚣，袤丈尺。蔡條《叢話》云：嶠南蜈蚣大者，二三尺，螫人至死，惟見托胎蟲，則局縮不敢行。蟲乃登首，啗其腦而食之。查托胎蟲，即蜒蚰螺，故人以此蟲搗塗蜈蚣傷，疼痛立止。蜈蚣能制龍蛇蝎蜥，而畏蜒蚰蜘蛛，亦莊子所謂物畏其天。陰符經所謂禽之制在氣也。

集效方治蜈蚣螫傷用蚯蚓泥傅之效

集簡方治蜈蚣螫傷畫地作王字取土摻之即愈
千金方治蜈蚣螫人用井底泥頻傅之

陶弘景云蜈蚣嚙人以桑汁入白鹽塗之即愈

醫學集成治蜈蚣咬傷嚼人參塗之又方用白燻
皮貼之俱效

梅師方治蜈蚣咬人嚼鹽塗之或鹽湯浸之妙又
方或用獨頭蒜摩之即止

袖珍方治蜈蚣咬傷嚼香附塗之立效
古今錄驗治蜈蚣傷用蛇含草按傅之

篋中方。治蜈蚣咬毒。用醋磨生鐵傳之。又方。用鷄冠血塗之。又方。用頭垢苦參酒調傳之。

肘后方。治蜈蚣咬瘡。嚼小蒜塗之良。又方。用馬莧葉汁塗之。

陸氏積德堂方。治蜈蚣螫傷。用菜子油傾地上。擦地上。油搽之即好。勿令四眼見。

談堃翁方。治蜈蚣螫人。取灰莧葉擦之即止。

多事能鄙。治蜈蚣咬傷。用胡椒嚼爛封之。即不痛。楊起簡便方。治蜈蚣傷。用棟樹枝葉汁塗之良。

外臺秘要治蜈蚣傷螫用麻履底炙熱揩之即安
廣利方治蜈蚣咬傷研蜘蛛塗之或用活者吸毒
皆效

瀕湖集簡方治蜈蚣螫咬用頭髮燒烟薰之又方
搗都管草塗之解毒又方取桑樹皮中白汁塗之
并治蜘蛛咬傷又方研蝸牛塗之兼治蟹蠆毒
傷又方用地蜈蚣草入鹽少許搗塗或未傳之
彙纂方被蜈蚣毒者用烏鷄屎或雄鷄涎塗之皆
效又唾墨畫鷄味啄之止痛

蜈蚣入耳梅師方用炙猪肪掩耳即出如蜈蚣入腹用猪血灌之或飽食少頃飲桐油當吐出按三元延壽書治蜈蚣猪羊血灌之即吐出昔有店婦吹火筒中有蜈蚣入腹店婦仆地號叫可畏道人劉復真用此法而愈

別錄云桑葉汁能解蜈蚣毒腐木汁塗之亦效

蜘蛛傷

耀山曰蜘蛛處處有之其類甚多爾雅但分四種而已在簷角籬邊空中作圓網大腹灰色似此蜘蛛可入藥

用在孔穴中及草木稠密處作網。其絲爲蒂，花斑色。爲之草蜘蛛，在牆壁間作窠，如錢形，似蜘蛛而扁。斑色八足而長，爲之喜子。穴地爲窠，網結其中，仰捍其蓋，待蠅蝮過而捕之。入穴閉與地一色，爲之土蜘蛛。宗奭云：蜘蛛皆有毒，遺尿着人，令人生瘡。蘇恭云：劍南山東爲此所咬，瘡中出絲，屢有死者。段成式云：深山蜘蛛有大如車輪者，能食人物。李時珍云：蜘蛛啣人甚毒，往往見於典籍。

劉禹錫傳信方云：判官張延賞爲斑蜘蛛咬頸上。

一宿有二赤脉繞項下至心前頭面腫如數斗幾至不救一人以大藍汁入麝香雄黃取一蛛投入隨化爲水遂以點咬處兩日悉愈又云貞元十年崔從質員外言有人被蜘蛛咬腹大如孕婦有僧教飲羊乳數日而平。

直指方治蜘蛛咬并蜂蠆螫等傷先將咬處縛定以貝母酒煎五錢服以滓傳之甚妙。

劉郁西域記云赤水兒城有蟲如蛛毒中人則煩渴飲水立死惟飲葡萄酒至醉吐則解此與李絳

所言蜘蛛毒人飲酒至醉則愈之意同

鄭曉吾學編云西域賽藍地方夏秋間草生小蜘蛛甚毒。啣爲痛聲徹地。土人誦呪以薄荷枝拂之。或以羊肝遍擦其體。經一日夜痛方止。愈後皮脫如蛛牛馬被傷輒死也。

元稹長慶集云巴中蜘蛛大而毒甚者身運數寸。躋長數倍。竹木被網皆死。中人瘡痂痒倍常。惟以醋調雄黃塗之。仍用鼠負蟲食其絲則愈。不急救之。毒及心能殺人。

西域聞見錄云新疆八叉蟲在在有之形類土蜘蛛色褐而圓八爪微短紫口口有四歧嚙鐵有聲編身黃祿爲韋皮裏透明如齒蠶生濕地溝渠及人家多年土壁中大者如雞子小者如胡桃每遇大風則出穴逐風而行入人屋宇行急如飛怒則八足聳立逐人尋常於人身上往來切不可動聽其自去亦竟無恙倘少動觸之輒噬人最爲毒惡痛徹心髓須臾不救通身潰爛而死如噬人輕則取其蟲碎之尚無大害若噬人時吐白絲於瘡口

或噬人後走向水中呼吸則人必死矣。或曰茜草搗汁服之並敷瘡口可愈。究之中其毒而生者百無一二。回子云唯求阿渾誦經可活。然吾嘗聞回子有被其毒者皆請阿渾誦經乃經未終而其人已終矣。按此蟲能吐絲非蜘蛛而何。故附之。

坤輿外紀云意大理亞國有蜘蛛類名大懶毒辣。凡螫人受其毒即如風狂或嬉笑或跳舞或仰臥或奔走。其毒中人氣血比年必發。療其疾者以各人本性所喜音樂解之。此亦邊徼誦經之流也。

李氏三元書云草上花蜘蛛絲最毒能纏斷牛尾
有人遺尿絲纏其陰至斷爛也又沈存中筆談言
草上花蜘蛛爲天蛇毒則誤矣

摘玄方云花蜘蛛咬人其毒與毒蛇無異用野鱧
絲即道人頭搗汁一盞服仍以渣傅之

太平廣記治壁鏡毒人至死用白礬末塗之良按
壁鏡即壁錢喜子窠也

彙纂云壁錢蟲似蜘蛛俗名喜子或云有毒咬人
必死惟以桑柴灰煎取汁調白礬末傅之妙

朝野僉載治蜘蛛傷人用雄黃末傳之

兵部手集云蜘蛛咬人遍身成瘡者飲好酒至醉則蟲於肉中似小米自出也又方以生鷄子敲孔合之立愈

綱目云山豆根治蜘蛛咬傷并蛇狗傷並塗之

經驗後方治蜘蛛咬瘡用胡麻研爛傳之

普濟方治蜘蛛咬毒用麻油和鹽擦之

證類本草治蜘蛛咬用胡滌尿塗之

篋中方治蜘蛛咬毒用醋磨生鐵傳之又方刺鷄

冠血傳之亦效

廣利方治蜘蛛瘡毒以熱酒淋洗一日三次良

圖經云露筋草其根味辛瀋性涼治蜘蛛蜈蚣傷
焙研末白朮水調貼之

生生編治蜘蛛瘡毒用牛乳飲之良

陳藏器云被蜘蛛咬者恐毒入內搗蔓菁子爲末
酒服亦以油和傳之故蔓菁園中無蜘蛛是其相
畏也又方用久臭人溺於大甕中浸之仍取烏雞
屎炒浸酒服不爾恐毒殺人又方用蜂窠土塗

之效。又方用驢尿泥塗之亦效。又方用小薊汁服之亦佳。又方搗豬鬃草傳之。又方搗合歡木皮爲末和蠟下墨以生油調傳之。又方取土蜂燒爲末油和傳之言此物能食蜘蛛取其相伏也。又云鬼針草生池畔方莖葉有楮子作釵脚形著人衣如針北人謂之鬼針南人謂之鬼釵杆汁服併傳之。兼塗螫螫蛇咬等傷。又方搗榔桐葉封之亦效。

千金方治蜘蛛咬人用炮薑切片貼之良。

譚氏小兒方治蜘蛛咬瘡遍身皆有以葱一枚切

去尖頭將蚯蚓入葉中緊捏兩頭勿令洩氣頻搖動即化爲水以點咬處甚效。

備急方治蜘蛛咬毒以羊桃葉搗傅之立愈。

蝮蛇傷

釋山曰蝮蛇非蛇蝮蠃也狀如蜈蚣色黃不斑其足無數好脂油香故入人耳及諸竅中亦百足之類也李時珍云處處有之墻屋爛草中尤多身圓不扁尾後禿而無岐大者長寸餘觸之蹇屈如環其入人耳用龍腦地龍砲砂單吹之皆效或以驢乳灌之即化爲水或以香

物引之淮南子云菖蒲去蚤虱而來蛉蝥即此蟲也楊雄方言云一名入耳又一種草鞋蟲形亦相似而身扁亦能入人耳中

聖惠方治蚰蜒入耳用黃丹酥蜜杏仁等分熬膏綿裹巴塞之聞香即出又方用萬苴菜乾者一分雄黃一分爲末糊丸棗核大蘸生油塞耳中引出又方以地龍入葱內化水點入則蚰蜒亦化爲水又方以生油調鷄心血滴耳即出又方用牛乳少少滴入即出若入腹者飲一二升即化爲水

聖濟錄治蚰蜒入耳用礞砂膽礬等分爲末每次一字蟲化爲水

梅師方治蚰蜒入耳用胡麻炒研作袋枕之

李鋒兵部手集治蚰蜒入耳用小蒜洗淨搗汁滴之未出再滴

衛生寶鑑治蚰蜒入耳用鼠婦即濕生蟲研爛塗耳邊自出或攤紙上作椽安入耳亦出

瑞竹堂方治蚰蜒入耳用蝸牛椎爛置於身邊即出

廣利方云華陀用牛酪灌入即出若入腹則飲二升即化為黃水

劉禹錫傳信方用胡麻油作煎餅枕卧須臾自出李元淳尚書在河陽日蚰蜒入耳無計可為用此方乃愈

彙纂按此蟲毒北方尤多聞京東一童養幼婦懶而好睡因蚰蜒入腹面黃身瘦常竊食物體如癆瘵一日私竊油炙麵餅欲食適見伊姑進室同客坐談遽急無措藏餅於臀下坐之許久客去蟲已

引出在外其病若失遂愈

蚯蚓傷

耀山曰蚯蚓乃土之精無心之蟲也上食槁壤下飲黃泉孟夏出穴仲冬蟄結晴則夜鳴雨則先出本草衍義言此物有毒有小兒陰腫爲此物所吹取雄鴨涎抹之即消被咬成瘡者白鴨血鴨屎塗之即愈

經驗方云蚯蚓咬人形如大風鬚眉皆落惟以石灰水浸之良昔浙江將軍張韶病此每夕蚯蚓鳴於體中有僧教以鹽湯浸之數遍遂瘥

寇宗奭云崇寧末年隴州兵士暑月跣足爲蚯蚓所中遂至不救後數日又有人被其毒或教以鹽湯浸之并飲一盃乃愈也

古方治蚘吹小兒陰腫用吹火筒吹之即消

摘玄方治蚯蚓氣呵者用漆草搗爛入黃丹會之射工傷

耀山曰射工又名域溪鬼蟲也詩云如鬼如域則不可得即此物也博物志云射工江南山溪水中甲蟲也長一二寸口有弩形以氣射人影令人發瘡不治殺人周

禮壺涿氏掌除水蟲以炮土之鼓驅之以焚石投之即此蟲也葛洪肘後方云江南射工毒蟲在山間水中人行或浴則此蟲含沙射人形影則病有四種初得皆如傷寒或似中惡一種偏身有黑鱗子四邊悉赤犯之如刺一種作瘡久即穿陷一種突起如杯一種如火灼燥瘡也李時珍曰蟾蜍鴛鴦能食之穢鴨能辟之

肘后方云射工蟲在溪間射人影成病或口喋不能語或惡熱四肢拘急身體有瘡取水上浮走豉母蟲一枚口中含之便瘥已死亦活此蟲正黑如

大豆浮遊水上也。今有水蟲大如豆而光黑，即此矣。名豉母者，亦象豆形也。又方取白鷄矢白者二枚，以錫和塗瘡上效。又方用鼠婦蟲豆豉巴豆各三枚，脂和塗之。又方用皂莢長尺二者，苦酒一升煎汁，熬如飴塗之。又方用知母連根葉煮湯浴之。兼治溪毒，末服汁飲，皆可以末投水，夏涉無害。

千金方治射工中人成瘡者，取蒜切片貼瘡，灸七壯效。又方用芥菜子末和酒厚塗之，半日痛即止。又方用鬼臼葉一把，苦酒漬，搗取汁服一升，日三

次又方用狼牙草冬取根夏取葉搗汁飲四五合并傳之。又方用大蜈蚣炙乾為末和酢傳之。

杜臺卿賦云。鴻鷺尋邪而逐害。此鳥專食短狐。所居之處無復毒氣。人家宜畜之。一名紫駕鷺。其肉食之能治短狐毒。短狐即射工也。

斗門方。治水弩射人。用熊胆塗之。更以雄黃同酒磨服。即愈。水弩亦射工也。

盧氏方。治射工中人成瘡者。以鷄腸草搗塗之。經日即愈。

集驗方治射工中人狀如傷寒寒熱發瘡偏在一處異於常者取赤菟合莖葉搗汁飲一升日再服之

姚僧坦集驗方治中射工毒生瘡者用烏翬升麻各二兩水三升煎二升溫服以滓敷瘡上

勝金方治毒蛇溪毒沙虱射工所傷口喋眼黑手足強直毒攻腹內逡巡不救用蒼耳嫩苗一握取汁和酒溫灌之以滓原敷傷處

抱朴子云吳楚之地暑濕鬱蒸多毒蟲及射工沙

虱之類。但以雄黃大蒜等分合搗一九佩之。或已中者塗之良。

瑞竹堂方。治射工沙虱等傷人口噤目黑手足直。毒氣入腹者。用白礬甘草等分為末。冷水服二錢。陶弘景云。治中射工毒者。以蠶血飲之。并塗其身。時珍云。鴨血亦效。又云。溪鬼蟲。喙及蠶毛佩之。能辟射工毒。薺芫知母。俱能辟之。

日華子云。中射工溪毒者。用鹽葱葉研傅之。

葛洪肘后方云。溪毒中人。一名中水。一名中濕。一

名中溪一名水病似射工而無物春月多病之初起頭痛惡寒狀如傷寒二三日則腹中生蟲食人下部漸蝕五臟注下不禁雖良醫不能療也初得則下部若有瘡正赤如截肉為陽毒最急若瘡如蟲齧為陰毒少緩皆殺人不過二十日方家用藥與傷寒溫病相似或以小蒜煮湯浴之及諸藥方又云初得惡寒頭目微病旦醒暮劇手足逆冷三日則生蟲食下部不痒不痛過六七日蟲食五臟注下不禁以小蒜三升煮微熟大熟則無力以浴

身若身發赤斑文者，毋以他病治之也。又方：初起頭痛惡寒，心煩拘急，日輕夜重，用梅葉搗汁三升飲之。良。又方：用雄牛膝莖紫色節大者一把，以酒水各一盃，同搗絞汁，溫服，日三次。又云：中其毒者，用蛇莓根搗末服之，并導下部，亦可飲汁一二升。夏月飲入水，先以少末投中流，更無所畏。又辟射工家中，以器貯之水浴身，亦宜投少許，是無害矣。又方：搗藍青汁，徧傅頭身，令匝效。

篋中方：治中水毒病，初起頭痛惡寒，拘急心煩，用

梨葉一把搗爛以酒一盞攪飲之效

時珍曰中溪毒者酒煎石蒜半斤服取吐良

外臺秘要治中溪毒生瘡用山慈姑葉搗爛塗之
按此草生於冬葉如蒜

陳藏器治溪毒煮草石蠶根食之良又服羚羊角
亦良

姚僧坦集驗方云中水毒病手足冷至膝肘即是
以浮萍日乾爲末飲服方寸匕良

南中志云永昌郡有禁水惟十一月可渡餘月

則殺人其氣有惡物作聲不見其形中人則青爛
名曰鬼彈乃溪毒等類葛洪所云溪毒似射工而
無物者皆此屬也

便用良方治鬼箭風痛以紅花白芷防風威靈仙
各二錢用酒煮服取汗三服全愈切忌針挑火淬
俗傳方法用向陽桃葉嫩頭七箇異姓亂頭髮一
團食鹽一字擦之成塊其痛立止將藥用刀斬之
即愈又方用山梔七箇桃樹腦七箇白麵一撮共
搗成餅貼之次日將藥分作七丸投火內燒之立

愈按陳藏器云鬼打卒死用刀鞘二三寸燒末水服腰刀者彌佳又方用鐵椎柄和桃奴鬼箭等作丸服之又方用粟米即小米爲粉和水漉汁服治卒得鬼打又肘后方云鬼擊中惡卒然着人如刀刺狀胸脇腹內疔刺切痛不可按仰或即吐血鼻血下血一名鬼排以熟艾如鷄子大三枚水五升煎二升頓服又方如上症者用醇酒吹兩鼻內良又方用烏鷄冠血瀝口中令嚥仍破此鷄榻心下冷乃棄之道邊妙又風俗通云鬼排卒死用烏雄

鷄血塗心下即甦。又徐真人千金方云：鬼擊成病，腹中煩滿欲絕，以雄黃粉酒服一斗，日三服，血化為水也。又方以醋少許吹鼻中效。又救急方云：鬼擊中惡，以鹽一盞水二盞和服，以冷水噴之即蘇。又百一方云：鬼擊之病，脇腹絞痛，或即吐血衄血，下血，以白犬頭取熱血一升飲之。又李樓怪病奇方云：鬼擊身青，用金銀花一兩水煎飲之。又孟詵食療云：鬼毒風氣，用獨頭蒜一枚和雄黃杏仁研為丸，空腹飲下三丸，靜坐少時，當下毛出即安。

大抵皆鬼彈鬼箭之類。乃天地間之厲氣。不可不知。故並附之。

沙虱傷

耀山曰。按郭義恭廣志云。沙虱在水中。色赤。大不過蟻。入人皮中。殺人。葛洪抱朴子云。虱水陸皆有之。雨後。人晨暮踐沙。必着人。如毛髮刺人。便入皮裏。可以針挑取之。正赤如丹。不挑入肉。能殺人。凡遇有此蟲。處行。還以火炙身。則蟲隨火去也。錄異記云。潭表處吉等州。有沙蟲。即毒蛇鱗甲中蟲。蛇被苦。每入急水中。碾出人。中其

毒三日即死此亦沙蟲之類也

肘后方云山水間多沙蟲甚細畧不見人入水中
及行草中此蟲多着人鑽入皮裏令人皮上如芒
針刺赤如黍豆刺三日之後寒熱發瘡蟲漸入骨
則殺人嶺南人初有此以茅葉或竹葉挑刮去之
仍塗苦苣汁已深者針挑取蟲子正如疥蟲也又
方以雄黃大蒜等分合搗塗之亦良又方用蒿苣
菜搗汁塗之良又方用斑毛二枚一枚末服一枚
燒至烟盡研末傳瘡中立瘥

千金方治中沙虱毒以射罔傳之佳

陶弘景云溪毒沙蟲等毒用蓑荷葉搗汁服并塗之

陳藏器云鷓鴣毛及屎燒灰水服治溪鳥毒砂虱水弩射工蟻短狝蝦鬚等病亦可將鳥近病人即能嚙人身訖以物承之即有沙出其沙射人之箭也又可籠鳥近人令鳥氣相吸又云已上數病大畧相似俱是山水間蟲含沙射影所致亦有無水處患者或如瘡或如天行寒熱或有瘡無瘡但夜

卧時以手摩身體有辣痛處熱視當有赤點如針
頭急捻之以茅葉入內刮出細沙以蒜封之即愈
否則寒熱漸深也惟蝦鬚瘡最毒十活一二桂嶺
獨多但早覺時以茅及甘蔗葉屈角入肉勾出其
根如蝦鬚狀則愈遲則根入至骨有如丁腫最惡
好著人隱處時珍曰水弩短狹射工蠍一物也陳
氏分爲四非矣溪毒有氣無形沙蟲沙中細蟲也

百蟲傷

耀山云有足曰蟲無足曰豸種類甚夥有可供餉食者

見於經傳，有功於藥用者，載於本草。有蠹賊果禾者，叙於農書。有害於人者，悉詳於醫方。是擇其尤者，另立專條。又有微細之蟲，及不可以名狀者，傷人肢體，入人孔竅，彙集一門，爲之百蟲傷。

陳藏器云：凡遇諸蟲咬者，用鹽酒水，或鹽藥，或尿坑泥，或百古窠及糞，或鷄屎白，或鸛骨及嘴，得一品塗之，皆效。

開寶方：解惡蟲蛇螫毒，按天名精傳之。

蘇頌曰：藍汁治蟲豸傷。劉禹錫著其法云：取大藍

汁一盃，入雄黃麝香二物少許，以點咬處，仍細服其汁，神異之極也。

壽域神方云：旱芹菜日乾爲末，糊丸梧桐子大，每服四十九丸，空心溫酒下，大殺百蟲毒。

古今錄驗治諸毒蟲傷，用青黛雄黃等分研末，新汲水服二錢。

濟急方治百蟲咬傷，以燈火薰之，出水妙。

聖惠方治惡蟲咬人，以紫草煎油塗之。又方以牛酥和血塗之。

集簡方治諸蟲咬傷用艾灸數壯甚良

經驗後方治諸蟲咬傷用油麻即芝麻研傅之

救急易方治惡蟲傷用魚鯉草皺面草槐樹葉草
決明共搗爛傅之

蟲蟻螫傷集簡方用頭垢封之壽域方用耳中垢
同蚯蚓屎和塗出盡黃水立愈又土栴榔穿山甲
山豆根簷溜下泥地上土並塗蟻咬蠶咬成瘡廣
利方用蜜調麝香傅之陳藏器云蠶咬人毒入肉
取苧根汁飲之即愈又苦苣蒿菜赤薜荔預知子

榔桐皮、百部、豬鬃草、灰藿並塗。蠶咬又紫金皮洗。蠶咬瘡皆效。蘇頌云：蠶咬用田父脊背上白汁和。蟻子灰塗之。

蝸牛咬傷毒行偏身者，陳藏器本草用蓼子煎水浸之立愈，不可近陰令弱也。

蜈蚣咬人，聖惠方用醋調石灰塗之，效。或用灰藿、榭葉、梨葉、鹽藥並塗。蜈蚣咬傷效。

毛蟲螫人赤痛不止，靈苑方用馬齒莧搗熟封之。妙。外臺秘要用豆豉心嚼傳少頃見豉中有毛，即

瘰癧，按毛蟲，即戴蟲，亦名射工，謂其毛能螫人也。在
 樹上者，背有五色斑毛，俗名楊癩，有毒，能刺螫人。
 紅腫辣痛，即剖蟲腹，取腸塗之，立愈。在瓦內者，色
 黑而小，名瓦癩，螫人亦疼，亦取其腸塗之，即止。又
 蒼葱韭汁、青黛、食茱萸、松脂、雄黃、燕窠土、牛耳垢、
 狐屎，並傳惡戴蟲傷。又草犀搗汁服，能解惡戴蟲毒。
 蚋，蝮咬傷，元稹《長慶集》云：蜀中小蚊，名蚋子。又小
 而黑者，為蟻子，微不可見，與塵相浮。上下者為浮
 塵子，皆巢於巴蛇鱗中，能透衣入人肌膚，交成瘡。

毒人極苦之。惟搗楸葉傳之即瘥。又祝穆方輿勝覽云：雲南烏蒙峽中多毒蛇，鱗中有蟲名黃蠅，有毒，蠱人成瘡，但勿搔，以冷水沃之，擦鹽少許即愈。閩小紀曰：沒子，江南人謂之莫京都曰白蛉，俗名金剛鑽，愈搔愈癢，愈咬惟摩白礬癢即止，蟲勿咬。諸蛭瘡毒，蘇恭云：有水蛭，草蛭大者長尺許，並能啣牛馬人血，其草蛭在深山草中，行即着脛，肢不覺入於肉中，產育爲害。山人自有療法，張杲醫說云：南方多雨，有物曰木蛭，大類鼻涕，生於古木之

上聞人氣閃閃而動人過其下墮人體間立即成瘡久則徧體惟以朱砂麝香塗之即愈此山蛭也李石續博物志云南方水疝似鼻涕聞人氣閃閃而動就人體成瘡亦用前方而愈此即草蛭也陳藏器云繭中蛹鹵汁治山蛭入肉山人自有療法蓋此法也保昇云別有石蛭生石中泥蛭生泥中二蛭頭光腰粗色赤悞食之令人眼中生烟漸至枯損按水蛭生水田中有大小兩種大者長四五寸重二三兩俗名牛搭膊小者如宛豆莢俗名馬

蟻並吸牛馬人血惟畏食鹽石灰被螫者血任其
流則無毒否則成瘡千金方云山中草木枝上有
石蛭着人足則穿肌入肉中害人但以蠟猪膏和
鹽塗足脛趾即不着人也陳藏器云預帶一筒取
一蛭入中并持乾海苔一片亦辟諸蛭若誤吞蛭
入腹以黃泥水浸藍水牛血羊血鷄血狗涎煎蒸
餅但以一品服之即下外傳惟以朱砂塗之立愈
百蟲入人中以生油調銅綠滴之古錢煎猪油
滴之醋和器磨滴之半夏浸麻油滴之油浸百部

滴之香油同稻草灰滴之川椒浸醋滴之蒼耳汁
葱汁葑汁桃葉汁萵苣汁薑汁醬汁人尿人乳車
脂苦醋猫尿鷄冠血並一味滴之胡椒末吹之石
斛棟耳燒烟薰之蟬頭燒灰綿裹塞之鐵刀聲在
耳畔鳴之蟻入耳者穿山甲灰吹之杏仁油滴之
燈心浸油鈎之蛆入耳者皂礬末吹之蠅入耳者
蟬血調皂角滴之蚕入耳者菖蒲塞之虱入耳者
稻草灰汁滴之馬蝗入耳田泥枕之水銀入耳生
金引之